



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 414; 033 726 409
fax. +387 33 726 423; 726 414
e – mail: info@voda.ba

Broj: **UP–1/21-3–40–237-4/22**

Datum: **23.06.2022. god.**

«Agencija za vodno područje rijeke Save» Sarajevo rješavajući po zahtjevu pravnog lica «NESTRO PETROL» a.d. Banja Luka za izdavanje vodne dozvole za ispuštanje oborinskih onečišćenih voda sa lokacije objekta benzinske pumpe sa pratećim sadržajima „NESTRO PETROL“- P.J. Blažuj, izgrađene u ulici Blažuj broj 76, općina Ilidža, Sarajevo, na osnovu člana 109. stav (1). tačka 2. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «NESTRO PETROL» a.d. Banja Luka daje se vodna dozvola za ispuštanje oborinskih onečišćenih voda sa lokacije objekta benzinske pumpe sa pratećim sadržajima „NESTRO PETROL“ P.J Blažuj, izgrađene na zemljištu označenom kao k.č. broj 810/4 K.O. Butmir (z.k. stanje), što odgovara k.č. broj 266/5, dio 265/3 i 264/1 K.O. Blažuj (katastarsko stanje), u naselju Blažuj, općina Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u podzemnim čeličnim dvoplašnim rezervoarima ukupne zapremine $V=150 \text{ m}^3$ sa pripadajućom armaturom za rukovanje, praćenje i sigurnost rada i skladištenje LPG-a u podzemnom rezervoaru zapremine 30 m^3 .
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se oborinske onečišćene vode sa platoa oko istakališta, saobraćajnih i manipulativnih površina benzinske pumpe prikupljaju sistemom slivnika sa slivnom rešetkom i kanalizacionom mrežom odvedu do ugrađenog tipskog separatora ulja i naftnih derivata, te preko okna za monitoring odvedu do priključka izvedenog na kolektor oborinske kanalizacije.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene

- laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
- 3.7. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.8. Da prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «NESTRO PETROL» a.d. Banja Luka, obratio se ovoj Agenciji sa zahtjevom za donošenje Rješenja o vodnoj dozvoli za ispuštanje oborinskih onečišćenih voda sa lokacije objekta benzinske pumpe „NESTRO PETROL“ – P.J. Blažuj, izgrađene na zemljištu označenom kao k.č. broj 810/4 K.O. Butmir (z.k. stanje), što odgovara k.č. broj 266/5, dio 265/3 i 264/1 K.O. Blažuj (katastarsko stanje), u naselju Blažuj, općina Ilidža, Sarajevo.

Uz zahtjev je dostavljena slijedeća dokumentacija:

- Kopija Rješenja o registraciji u registar poslovnih subjekata, kod subjekta upisa «NESTRO PETROL» a.d. Banja Luka, izdata od strane Okružnog privrednog suda Banja Luka, broj: 057-0-Reg-21-002261 dana 29.11.2021.
- Kopija uvjerenja o poreznoj registraciji «NESTRO PETROL» a.d. Banja Luka – Poslovna jedinica Blažuj – Ilidža, izdata od strane Porezne uprave - Kantonalni ured Sarajevo dana 18.09.2012. godine;
- Kopija Rješenja o vodnoj dozvoli izdatog od strane «Agencije za vodno područje rijeke Save» Sarajevo, broj: UP-I/25-3-40-023-3/17 dana 23.01.2017. godine;
- Kopija Rješenja o vodnoj dozvoli izdatog od strane Ministarstva privrede Kantona Sarajevo, broj: 07-04-025-17931/17 dana 27.06.2018. godine;
- Kopija rješenja o odobrenju za izgradnju benzinske pumpe izdatog od strane Službe za prostorno uređenje Općine Ilidža, broj: 03-23-2643/3-09 dana 24.10.2012. godine;
- Kopija Rješenja o odobrenju za upotrebu izdatog od strane Službe za prostorno uređenje Općine Ilidža, broj: 03-23-5134/12 A dana 17.01.2013. godine;
- Kopija rješenja okolinske dozvole date kompaniji „NESTRO PETROL“ a.d. Banja Luka – P.J. Blažuj od strane Ministarstva prostornog uređenja, građenja i zaštite okoliša broj: 05-23-11925/17 VI dana 18.12.2017. godine;
- Opći akt o održavanju, korištenju i osmatranju vodnog objekta i postupanju u slučaju kvara;
- Glavni projekat za izgradnju benzinske pumpne stanice sa pratećim objektima «NESTRO PETROL» u Blažuju, općina Ilidža, urađen od strane Instituta za građevinarstvo «IG» Banja Luka, februar 2012. godine (na uvid);
- Kopija zapisnika o uzorkovanju otpadnih voda od strane „Inspekt – RGH“ d.o.o. Sarajevo, dana 04.02.2022. godine;
- Kopija Ugovora o čišćenju separatora na BS Blažuj broj: 4835/2020 od 03.03.2020. godine sklopljen sa „DELTA PETROL“ d.o.o. Kakanj;
- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-023-3/17 od 23.01.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 30.05.2022. godine konstatovano je da podnosilac zahtjeva «NESTRO PETROL» a.d. Banja Luka redovno izmiruje svoje obaveze uplate posebnih vodnih naknada.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-237-2/22 dana 10.06.2022. godine.

Na osnovu dostavljene dokumentacije i uviđaja izvršenog na licu mjesta utvrđeno je slijedeće:

Na predmetnom lokalitetu nalazi se benzinska pumpna stanica „NESTRO PETROL“ sa poslovnom zgradom i sa slijedećim sadržajima: restoran, prodavnica sa naplatom goriva, automati za istakanje goriva sa nadstrešnicom, ukopani dvoplašni rezervoari za smještaj nafte i naftnih derivata i podzemni spremnik za tečni naftni plin.

Oborinske onečišćene vode sa predmetne lokacije prikupljaju se putem slivnika sa linijskom slivnom rešetkom i internom kanalizacionom mrežom vode do ugrađenog tipskog separatora ulja i naftnih derivata, te preko okna za monitoring odvođe i priključuju na kolektor oborinske kanalizacije, čiji je ispust izveden u otvoreni vodotok.

Na predmetnom lokalitetu vrši se skladištenje nafte i naftnih derivata u podzemnim čeličnim dvoplašnim rezervoarima ukupne zapremine 150 m³ sa pripadajućom armaturom za rukovanje, praćenje i sigurnost rada i skladištenje LPG-a u podzemnom rezervoaru zapremine 30 m³.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ

**Po ovlaštenju Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- «NESTRO PETROL» a.d. Banja Luka, Kralja Alfonsa XIII broj 9, 78000 Banja Luka
- ☞ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava